



**Philippi Ecclesiæ Eystettensis XXXIX. Episcopi. De
Eivsdem Ecclesiæ Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philip *<Eichstätt, Bischof>*

Ingolstadii, 1617

LIII. Christophorus.

[urn:nbn:de:hbz:466:1-70477](#)

logo Ioanne Eckio, cui promulgatio Pontificiaæ Bulle iniuncta fuerat.

De eodem Gabriele Episcopo Eckius in Oratione sivebri. Hoc mirandum occurrit in Reuerendissimi nostri Principis Episcopatu. Quod cum ipse quinquagesimus primus fuerit (ita numerat Eckius) in ordine Episcopus a sancto Willibaldo & nullus ante eum annos regiminis Willibaldi XXVI. attigerit, adeo, ut sicut de Romano dicunt Pontifice; Non videbis annos Petri (scilicet 25.) sic Episcopo Eystettens dicebant; non videbis annos Willibaldi. Et tamen noster Gabriel, licet in proiecta atate ad regimen assumptus, puta circa quinquagesimum etatis annum, tum viuacissimus ipse tribus fermè annis S. Willibaldū superauit. Hęc Eckius in Oratione, qua Gabrieli parentauit.

Idem Gabriel, ut & plures alij Episcopi, Principes politici, & Ciuitates, anno Domini M. D. X X X V. foedus ad nouennium inierunt cum Carolo V. Imp. & Ferdinando Romanorum Rege; cum enim vis & violentia improborum in Imperio quotidie inualeceret, consultum duxerunt, ut plurim coitione se aduersus nefariorum machinationes communirent, scriptis etiam non paucis totius confœderationis legibus, quas manuscriptas legi; nescio num typis excusa existent.

LIII. Christophorus.

Huius electio, gubernatio & mors his verbis in Pontificali describuntur. Reuerendus Pater & Dominus Christophorus ex Marschalckis in Bappenhaym S. Rom. Imp. ensiferis hereditariis, patre Willhelmo Equite Aurato, & Magdalena à Rechberg prognatus, cum à Patruo suo Gaspare Marschalcko Canonico Eystettensi, bene educatus à puer,

+0

&

& canonicatu ibidem, præterea etiam à fratre VVolffgango,
 Canonicatu in Ecclesia Constantensi donatus esset, & utro-
 que in loco ita se gesisset, ut de probitate sua, & quam habe-
 bat erga decorem domus Dei cura, magnam apud plerosque
 expectationem concitasset, qua commendatione etiam erat,
 quam eruditio nis opinione, defuncto Reuerendo Patre & Do-
 mino Gabriele, in Episcopum Aystettensem Llliam Presby-
 ter declaratur, sub finem Decembris anno Domini M. D.
 XXXV. Is cum religionis studiosus esset, & animaduenteret
 temporum vitio, prælatorumq; negligentia disciplinam Ec-
 clesiasticam collabi, & cultum diuinum in templo Dei segnius
 curari, indeq; in vulgus offendicula quotidie emanare pluri-
 ma, in hoc cum primis incubuit, non modo crebris admonitione-
 nibus, sed suo quoque exemplo, ut Clerum in officio, ad populi
 Christiani adificationem, contineret: Eamq; ob causam festis
 diebus in templo Cathedra sua diuinis officiis, etiam antelu-
 canis frequens interfuit. Benedictionem solennem imperti-
 tus est Margaretha de Seckendorff Abbatissa S. VValburge.
 Asede Apostolica magnis sumptibus impetravit, ut Prepo-
 situra S. Viti Hernriedensis, assignato Præposito ibidem tre-
 centorum florinorum stipendio, mensa adunaretur Episcopi-
 ali, & Canonicatus Chori S. VVillibaldi, à Curialibus in poste-
 rum tuti, à solis Episcopis Aystettensibus conserrentur. Et
 cum egregia multa meditaretur, quibus Ecclesia cura, quam
 habebat singularem, testata reliquisset, è spe mediaverum
 gerendarum, morbo, quem ex iracundia conflasse videbatur,
 corruptus, præter omnium opinionem, quod in corpore proce-
 ro & robusto, bona elucebat habitudo, vigenti adhuc etate,
 annum agens XLVII. constituto tamen prius anniversario
 (ut vocant) suo, è viuis sublatus, & ad latus supradicti patru-
 si in sinistra chori parte sepultus est. Anno Domini M.D.
 XXXIX. die XIX. Iunij.

LIV.